

# **Orecons&Audit d.o.o. Zenica**

---

## **IZVJEŠTAJ O TRANSPARENTNOSTI ZA 2023. GODINU**

## SADRŽAJ

<i>UVOD</i>	3
1. <i>Opis pravne forme i struktura vlasništva</i>	4
2. <i>Opis mreže i njeno pravno i strukturno uređenje</i>	5
3. <i>Upravljačka struktura</i>	5
4. <i>Opis sistema interne kontrole kvaliteta društva za reviziju</i>	6
5. <i>Eksterna kontrola kvaliteta</i>	6
6. <i>Subjekti od javnog interesa u FBiH</i>	7
7. <i>Subjekti od javnog interesa u RS-u</i>	7
8. <i>Profesionalna etika i nezavisnost</i>	8
9. <i>Politike u vezi sa kontinuiranim stručnim usavršavanjem</i>	8
10. <i>Finansijski podaci za društvo</i>	9
11. <i>Primanja ovlaštenih revizora</i>	9

## **UVOD**

U ovom Izveštaju predstavljene su aktuelna poslovna praksa i procesi Orecons&Audit d.o.o. Zenica, u skladu sa zahtjevima Zakona o računovodstvu i reviziji u Federaciji Bosne i Hercegovine („Službene novine FBiH“, broj 15/21).

Ovaj Izveštaj sadrži opis organizacijske strukture društva, opis strukture upravljanja, sistema interne i eksterne kontrole, informacije o posljednjoj eksternoj kontroli, popis društava subjekata od javnog interesa kojima je Društvo za reviziju Orecons&Audit d.o.o. Zenica prethodne finansijske godine obavljao poslove revizije, informacije o postupcima vezanim za nezavisnost, informacije o kontinuiranom profesionalnom razvoju, finansijske informacije Društva i podatke o platama revizora.

Cilj nam je da budemo prepoznati kao nosilac standarda visokih poslovnih vrijednosti u domenu kvalitete usluge revizije, posvećenosti klijentima, kreiranju novih rješenja, kao i u domenu korisnosti.

Kvaliteta revizije je osnova za sticanje i održavanje povjerenja javnosti i glavno je mjerilo na kojem se treba temeljiti naš integritet i profesionalna reputacija.

Naša posvećenost kvalitetu je zasnovana na našim zajedničkim vrijednostima koje čine temelj naše kulture i služe kao osnova za odluke koje donosimo.

Revizije koje obavljamo pružaju uvjerenje u tačnost i pouzdanost finansijskih izvještaja i obezbjeđuju preporuke rukovodstvu klijenata o mehanizmima poboljšanja sistema finansijskog izvještavanja i računovodstva, sistema internih kontrola, upravljanja rizicima i poslovnim procesima.

Vjerujemo da će ovaj izvještaj pomoći u sagledavanju važnosti koju Orecons&Audit d.o.o. Zenica polaže na kvalitet obavljanja revizije i pružanja konsultantskih usluga.

## 1. Opis pravne forme i strukture vlasništva

Društvo za reviziju Orecons&Audit d.o.o. Zenica nastalo je kao pravni slijednik društava Orecons d.o.o. Zenica i Audit d.o.o. Zavidovići.

Društvo za računovodstvo, reviziju i konsalting Orecons d.o.o. Zenica, osnovano je 1998.godine i bilo je upisano u sudski registar na uložak broj MBS 43-01-00331-10 (stari broj 1-3130).

Osnivač društva bio je Kaknjo (Avde) Sabrija iz Zenice, a vrijednost osnivačkog uloga - osnovnog kapitala iznosila je 2.000 KM (u novcu) i činio je 100 % vrijednosti osnovnog kapitala.

Društvo za reviziju Audit d.o.o. Zavidovići, osnovano je 2005.godine i bilo je upisano je u sudski registar na uložak broj MBS 43-01-0323-10 (stari broj 1-9134).

Osnivač društva bila je Fazlić-Sojkić (Asim) Meriha iz Zavidovića, a vrijednost osnivačkog uloga - osnovnog kapitala iznosio je 2.000 KM (u novcu) i činio je 100 % vrijednosti osnovnog kapitala.

Dana 04.01.2011.godine donesena je Odluka broj OPU-IP 1/2011 kojom se društvo Audit d.o.o. Zavidovići, čiji je osnivač Fazlić-Sojkić Mersiha, pripaja Društvu za računovodstvo i reviziju „Orecons“ d.o.o. Zenica, čiji je osnivač Kaknjo Sabrija, koje postaje društvo slijednik i posluje pod firmom „Orecons&Audit“ d.o.o. Zenica, ulica Muftije Šemsekadića broj 14. Zenica.

Statusna promjena pripajanja upisana je kod Općinskog suda Zenica dana 04.02.2011.godine po Rješenju broj 043-0-Reg-11-000005, kojim je istovremeno izvršen i upis osnivanja Podružnice Zavidovići, Naselje Gaj II Niz A, Zavidovići.

Osnivači društva, visina i struktura osnovnog kapitala je:

Br.	Vlasnici kapitala	Kapital		Ukupno	%
		U novcu	U stvarima		
1	Kaknjo Sabrija Zenica	2.000	0	2.000	50 %
2	Fazlić-Sojkić Mersiha Zavidovići	2.000	0	2.000	50 %
	<b>Ukupno</b>	<b>4.000</b>	<b>0</b>	<b>4.000</b>	<b>100 %</b>

Društvo za reviziju Orecons&Audit d.o.o. Zenica primarno je registrovano za vršenje usluga revizije finansijskih izvještaja. Okuplja tim od više revizora, certificiranih računovođa i drugih stručnih lica. Društvo je upisano u Registar revizorskih društava pod registraskim brojem 9040434103 pri Federalnom ministarstvu finansija.

Osim revizije finansijskih izvještaja Društvo pruža i usluge konsaltinga i poreznog savjetovanja, usluge izrade studija o transfernim cijanama, usluge sudskih vještačenja, usluge procjene ekonomske vrijednosti pravnih lica, imovine, obaveza i kapitala, i ima dva zaposlena ovlaštena procjenitelja, sa važećom licencom izdanom od Federalnog ministarstva pravde, kao i dva zaposlena koji imaju rješnija stalnih sudskih vještaka.

Društvo pruža usluge poreznog zastupanja stranih poreznih obveznika pred Upravom za indirektno oporezivanje u svrhu povrata PDV-a stranim pravnim licima, u skladu sa Odobrenjem za zastupanje stranih poreznih obveznika broj 04/5-1/III-17-3-109-19/21 od 15.06.2021.godine izdanim od strane UIO RC Mostar.

Orecons&Audit d.o.o. Zenica pruža i računovodstvene usluge i upisano je u Registar pravnih lica kod Federalnog ministarstva finansija pod brojem 04-11-2-6-2409/21 od 10.02.2022.godine.

Identifikacioni broj društva: 4218121290006

PDV broj društva: 218121290006

Transakcijski računi vode se kod slijedećih banaka:

- Intesa Sanpaolo Bank dd Zenica (glavni račun): 1543001100016826
- ASA Banka dd Zenica : 134010000093725
- Raiffeisen Bank dd Zavidovići : 1610550023200007

## **2. Opis mreže i njeno pravno i strukturalno uređenje**

Društvo za reviziju Orecons&Audit d.o.o. Zenica ne pripada i nije član bilo koje revizorske mreže.

## **3. Upravljačka struktura**

Društvom upravljaju osnivači na način utvrđen Statutom Društva broj : OPU -IP 3/2011, koji je validan i važi od 04.01.2011.godine.

Poslovanje Društva u toku 2023.godine vodi i Društvo zastupaju:

- Fazlić-Sojkić Mersiha, direktor
- Zukić Nermana, zamjenik direktora
- Kaknjo Tarik, prokurist

Revizijske izvještaje potpisuje direktor i ovlašteni revizor Društva.

Ovlašteni revizori -stalno zaposleni u Društvu u 2023.godini su:

- Kaknjo Sabrija
- Fazlić-Sojkić Mersiha
- Kaknjo Tarik

Računovodstvo:

- Tarik Kaknjo, CR upisan u Registar kvalifikovani lica pod brojem 04-11-2-6-2410/21
- Nermana Zukić, CR upisana u Registar kvalifikovani lica pod brojem 04-11-2-6-2415/21
- Fazlić-Sojkić Mersiha, CR upisana u Registar kvalifikovani lica broj 04-11-2-6-2414/21
- Kaknjo Hamza, diplomirani ekonomista

Uprava se sastaje redovno, sve u cilju kontinuiranog nadzora nad zakonitim obavljanjem poslovanja, internog nadzora nad kvalitetom obavljenih revizija, te poduzimanja pravovremenih mjera za unapređenje kvalitete revizija, kao i usvajanje finansijskih izvještaja i ostalih redovnih aktivnosti i operativnih poslova.

#### 4. Opis sistema interne kontrole kvaliteta društva za reviziju

Sistem interne kontrole uspostavljen je kao svojevrsna kombinacija metodologije kontrole kvaliteta i naših internih specifičnosti koje su pri tome uvažene. U skladu sa Međunarodnim standardima kontrole kvaliteta, Međunarodnim revizijskim standardima i Kodeksom etike koje imamo obavezu i odgovornost poštovati, uspostavili smo sistem kontrole kvaliteta na način da pruži razumno uvjerenje da Društvo i zaposlenici posluju i ponašaju se u skladu sa profesionalnim standardima, standardima struke, svim relevantnim zakonskim propisima, da revizijski izvještaji Društva odgovaraju datim okolnostima.

Osnovi principi koji definišu sistem kontrole kvaliteta su:

- Odgovornost uprave za kvalitet
- Etički zahtjevi
- Prihvatanje, zadržavanje i nastavak saradnje sa klijentima
- Upravljanje ljudskim resursima
- Učinkovito obavljanje poslova
- Nadzorne aktivnosti
- Dokumentovanje aktivnosti

Osim toga, sistem interne kontrole uspostavljen je na način da takođe zadovolji pravila i standarde koje izdaje Revizorska komora FBiH, kao nadležno strukovno tijelo, poštujući pravilnik o minimalnom sadržaju radne dokumentacije.

#### 5. Eksterna kontrola kvaliteta

Društvo je podložno povremenim pregledima kontrole od strane Revizorske komore FBiH.

Kontrola kvaliteta rada od strane Komore revizora Federacije Bosne i Hercegovine izvršena je u toku 2016.godine, o čemu je sačinjen Zapisnik broj: N-30-13/16 od 05.10.2016.godine.

U martu 2024.godine društvo je Revizorskoj komori Federacije Bosne i Hercegovine dostavilo popunjen Godišnji upitnik za izvještajnu 2023.godinu, koji je koncipiran na način da pruži :

- opšte podatke o društvu, kao što su vlasnička struktura, upravljačka struktura, broj i struktura zaposlenih
- podatke o ulaganjima u drugim pravnim licima
- podatke o polisi osiguranja i načinu izračunavanja osiguranja
- podatke o broju zaključenih ugovora o reviziji u toku perioda
- podatke o broju i strukturi izvršenih revizija u izvjestajnom periodu
- podatke o broju izvještaja koje je potpisao svaki od ovlaštenih revizora društva
- podatke o subjektima od javnog interesa koji su bili predmet revizije u toku perioda
- podatke o ostvarenim prihodima od revizijskih i ostalih usluga, itd.

## **6. Subjekti od javnog interesa u FBiH**

U skladu sa Zakonom o računovodstvu i reviziji FBiH (Službene novine FBiH, broj 15/2021) subjektima od javnog interesa smatraju se:

- sva pravna lica čijim se vrijednosnim papirima trguje na organizovanom tržištu vrijednosnih papira, banke, mikrokreditna društva, društva za osiguranje i reosiguranje, društva za faktoring, lizing društva, društva za upravljanje investicijskim fondovima, društva za upravljanje dobrovoljnim penzijskim fondovima, brokersko-dilerska društva i druge finansijske organizacije,
- javna preduzeća osnovana u skladu sa propisima kojima se uređuje poslovanje i upravljanje javnim preduzećima u Federaciji Bosne i Hercegovine,
- sva pravna lica od posebnog značaja za Federaciju u skladu sa propisima o vršenju ovlaštenja u privrednim društvima sa učešćem državnog kapitala,
- organizacije i javne ustanove koje nisu obuhvaćene okvirom revizije utvrđenim propisom o reviziji institucija u Federaciji

U 2023. godini obavljena je revizija kod slijedećih subjekata od javnog interesa:

1.	<i>ŽGP Zenica d.d. Zenica</i>
2.	<i>JP Gradsko groblje d.o.o. Zenica</i>
3.	<i>JU Institut za zdravlje i sigurnost hrane Zenica</i>
4.	<i>Javna zdravstvena ustanova Zavod za bolesti ovisnosti Zeničko - dobojskog kantona</i>
5.	<i>Javno preduzeće "Šumsko privredno društvo Zeničko-dobojskog kantona" d.o.o.</i>
6.	<i>KJKP "TOPLANE-SARAJEVO" d.o.o.</i>
7.	<i>JU Kantonalna bolnica "Safet Mujić"</i>
8.	<i>KJKP "SARAJEVOGAS" d.o.o.</i>
9.	<i>ŠPD "Srednjobosanske šume" d.o.o.</i>
10.	<i>Zavod za javno zdravstvo HNK /Ž Mostar</i>
11.	<i>JKP Radnik d.o.o. Zavidovići</i>
12.	<i>Natron d.d. Maglaj</i>
13.	<i>VGT Broker d.o.o. Visoko</i>
14.	<i>Pobjeda d.d. Tešanj</i>
15.	<i>Snaga d.d. Vareš</i>
16.	<i>Udarnik d.d. Breza</i>

## **7. Subjekti od javnog interesa u RS-u**

U 2023. godini Društvo nije obavljalo reviziju finansijskih izvještaja kod društava od javnog interesa u RS-u.

### 8. Profesionalna etika i nezavisnost

Svi partneri, profesionalno i administrativno osoblje zaposleno u društvu, kao i privremeno i povremeno angažovano osoblje, su obavezni ponašati se u skladu sa politikom koja se odnosi na nezavisnost rada u društvu, odnosno u skladu sa Kodeksom etike profesionalnih računovođa i sa drugim relevantnim važećim propisima.

Svi zaposlenici najmanje jednom godišnje, te dalje po potrebi i po prihvatanju novog klijenta ili po zaposlenju, pismeno u obliku Izjave koju potpisuju zaposlenik i direktor društva, potvrđuju nezavisnost od finansijskog ili drugog interesa kod klijenta kod kojih se obavlja revizija.

Svi zaposlenici su obavezni pridržavati se uputa o povjerljivosti podataka, u skladu sa Kodeksom. Ugovor o radu svakog zaposlenika sadrži odredbu o tajnosti poslovnih podataka Poslodavca i zabrana konkurencije sa poslodavcem i podrazumijeva obavezu zaposlenika da za vrijeme trajanja Ugovora o radu, u i van radnog vremena, te po prestanku radnog odnosa, poštuje i čuva kao tajnu informaciju koje saznaje a koje se odnose na društvo i klijente.

Svi zaposlenici najmanje jednom godišnje, te dalje po potrebi i po prihvatanju novog klijenta, pismeno u obliku Izjave koju potpisuju zaposlenik i direktor društva, potvrđuju da postupaju u skladu sa načelima povjerljivosti Kodeksa.

Društvo ima usvojenu politiku rotacije partnera i menadžera revizorskog angažmana u skladu sa Međunarodnim revizijskim standardima, te u skladu sa odredbama Zakona o računovodstvo i reviziji FBiH (Službene novine FBiH, broj 15/2021).

Svi partneri, profesionalno i administrativno osoblje zaposleno u društvu, kao i privremeno i povremeno angažovano osoblje i vanjski saradnici angažovani na obavljanju usluga upoznati su sa politikama i procedurama vezanim uz poštivanje uslova nezavisnosti. Svo osoblje stalno prati faktore koji bi mogli uticati na odstupanje od navedenog.

### 9. Politike u vezi sa kontinuiranim stručnim usavršavanjem

Ovlašteni revizori koji su stalno zaposleni u Društvu, ovlašteni procjenitelji, certificirane računovođe, kao i oni koji su u procesu sticanja ovih profesionalnih zvanja, prisustvuju raznim oblicima edukacija i seminara koje, u procesu kontinuirane profesionalne edukacije, vrše profesionalne organizacije čije programe rada odobrava i nadzire Savez računovođa, revizora i finansijskih radnika Federacije BiH, kao i seminarima u organizaciji Revizorske komore FBiH kao nezavisne profesionalne organizacije licenciranih ovlaštenih revizora i društava za reviziju koja posluju na teritoriji Federacije Bosne i Hercegovine.

Društvo poseban akcenat stavlja i potiče kontinuirano usavršavanje i kroz proces samoedukacije, koji podrazumijeva korištenje stručne literature koja je svim zaposlenicima na raspolaganju, a iz područja koja su usko vezana za djelatnost društva kao što su finansije, računovodstvo, pravo i porezi, kao i korištenje internetskih baza podataka, članaka i raznih publikacija dostupnih kod različitih institucija i stručnih organizacija na temu struke i djelatnosti u kojima naši klijenti posluju.



## Izvještaj o transparentnosti za 2023.godinu

### 10. Finansijski podaci

Ukupno ostvareni prihodi društva u izvještajnoj 2023.godini su kako slijedi:

	<b>Ukupan ostvareni prihod u KM 2023.godini</b>	<b>529.398</b>
<i>od toga :</i>		
1.	<i>Prihodi od revizijskih usluga</i>	<i>457.367</i>
2.	<i>Prihodi od ostalih usluga</i>	<i>72.031</i>

Ostale finansijske informacije za društvo dostupne se u Finansijsko-informatičkoj agenciji Sarajevo.

### 11. Primanja ovlaštenih revizora

Primanja zaposlenih ovlaštenih revizora, koji potpisuju izvještaje o obavljenim revizijama, kao i primanja ostalih zaposlenih u Društvu regulisana su i dostupna u pojedinačnim ugovorima o radu.



**Orecons&Audit d.o.o. Zenica**  
Muftije Šemsekadića broj 14  
72.000 Zenica

Zenica: April 2024.godine